

NOVOGODIŠNJA PORUKA VALENTINA INZKA, VISOKOG PREDSTAVNIKA I POSEBNOG PREDSTAVNIKA EU U BiH



U svojoj novogodišnjoj poruci, visoki predstavnik i posebni predstavnik EU u Bosni i Hercegovini, Valentin Inzko, iznosi svoja viđenja političkih i ekonomskih prioriteta za 2011. godinu;

Prvi prioritet mora biti formiranje Vlade. Birači su izašli na glasovanje u listopadu jer žele vidjeti vladu koja radi. Žele radna mjesta i žele da se riješe ekonomski i socijalni problemi zemlje. Građani su također glasovali za veću vladavinu prava. Podržao bih sve napore usmjerene na to da se oformi koalicija koja će to ostvariti u praksi.

Drugo, postoji jasna potreba da se u 2011. godini ubrzaju i prodube reforme iz programa koji se odnosi na Europsku uniju. Sve političke stranke i lideri prije izbora su podržali proces pristupanja EU. Svi su kazali da se namjeravaju boriti protiv korupcije, ojačati vladavinu prava i oporaviti ekonomiju. To pruža dovoljno prostora za dogovor, a sada postoji prilika koja se ne bi trebala propustiti. Bosanskohercegovački političari trebaju iskoristiti ovu priliku. Ako to ne urade samo oni će biti odgovorni za posljedice.

Treće, želimo da BiH maksimalno iskoristi sve ono što povezuje

ljude, stvari koje su iste ili slične, a ne ono što je različito. Razumijevanje manjih razlika i sposobnost zajedničkog života je ono što je činilo i što čini bosanskohercegovačko društvo tako jedinstvenim. Postoji mnogo više stvari koje spajaju ljude nego onih koje ih razdvajaju. Upravo je različitost BiH ono što čini ovu zemlju tako bogatom, tako posebnom i tako jedinstvenom. Ali ova različitost nije teret. Ona je bogatstvo. Politički lideri trebaju shvatiti ovo, na temelju toga dalje raditi i istodobno iskoristiti kao osnov ono što je zajedničko. A postoji mnogo zajedničkog! Nadam se da ću u 2011. godini vidjeti promjenu u stavovima u ovom pogledu.

Četvrto, očekujem da se prekine sa negativnom politikom koja ostavlja stvari na nuli. Oспорavanja Mirovnog sporazuma moraju prestati. Ne dopustite nikome da vam kaže da je to nemoguće. Uspjeh u liberaliziranju viznoga režima dokazao je da je moguće, i ako se to može uraditi onda se mora uraditi – to je minimum koji očekuju građani ove zemlje.

U društvu koje je toliko puno različitosti kao ono u Bosni i Hercegovini potrebno je da možemo poštivati osobu koja je različita od nas, što znači priznati njene potrebe i postignuća. Ekskluzivitet nikada nije bio dio tkiva Bosne i Hercegovine; to nije u prirodi bosanskohercegovačkog društva. No uz tu različitost, svi mi jednako tako imamo različite i jedinstvene talente da ponudimo ovom društvu. Koristimo ih više u budućnosti no što je to bio slučaj u prošlosti.

Izuzimajući liberaliziranje viznoga režima tijekom 2010. godine ostvaren je mali napredak. Diljem regiona, zemlje ubrzavaju tempo na njihovome putu ka EU. BiH ne može ostati crna rupa. Politički lideri moraju shvatiti koliko će važne biti sljedeće četiri godine i kakav će utjecaj njihovo ponašanje imati na naredna desetljeća. Nitko u BiH ne želi ponavljanje posljednje četiri godine zbog čega lideri u BiH moraju iskoristiti ovu priliku za novi početak i vratiti zemlju na put ka EU.

Na kraju, angažman EU u Bosni i Hercegovini povećavat će se u 2011. godini. Međunarodna zajednica je spremna pomoći na svaki mogući način, no suštinske odluke da se krene naprijed moraju doći iznutra iz Bosne i Hercegovine. Političari i svi oni koji su na bilo kojoj dužnosti u ovoj zemlji, moraju pokazati i građanima i Europskoj uniji da su sposobni učiniti ovu zemlju funkcionalnijom i povesti je naprijed.

Želim svim građanima u BiH sretnu Novu godinu.